

UA MAUA E FELIPE LE ALA

Saunia e Megan Roxas
(E faavae i se tala moni)



O le atu Filipaina e silia ma le 7,600 motu!



O le atunuu o le nofoaga lea pe a ma le 70% o laau a le lalolagi ma ituaiga manu eseese.



E le o toe mamao ae maua e le atu Filipaina ni malumalu se valu.

Na iloa e Felipe ua tuai. Sa le toe fetagisi manulele, ma sa hamu leotetele o alisi. Sa la savavali ma lona tina i le togavao mo le silia ma le lua itula. Ae o auala taitasi sa latou foliga tutusa ma le ala mulimuli. Sa matuai leiloloa lava i la'ua.

Sa matuai fefe lava Felipe. O le a le umi e mafai ona la ola ai i lenei togavao? Sa na o le 10 lava ona tausaga. Sa le'i lava le matua e tau ai ma se gata po o se puaa aivao! Ma o a isi meaola taufaafefe e ono feosofi mai pe a mavae le goto o le la? O le manatu na afua ai le maluluina o lona patua.

Ia lototele, sa ia fai ifo ai ia te ia lava. Na ia iloa e tatau lava ona ia lototele.

Sa moomoo Felipe maimau pe ana i ai lona tama iina. Ae na maliu o ia i le ono masina talu ai. A aunoa ma ia, sa faigata mea uma mo Felipe ma lona tina. Sa leai ni a la tupe ma ni meaai.

Sa faamoemoe Felipe e mafai ona la oo atu i le fale o lona tuafafine i le isi itu o le mauga. E mafai ona ia tuuina mai ia i la'ua se tupe e faatau ai se araisa.

Ae sa ia faia se tatalo i lona loto. "Tama oi le Lagi, faamolemole fesoasoani mai ia i ma'ua e saili lo ma'ua ala. *Faamolemole.*"

Ona oo mai lea o se manatu ia te ia: *Vaavaai mo niu.* Sa ea a'e i luga Felipe. O iina, i se mea mamao, sa i ai se togalaau niu. Sa mafai ona ia iloa atu i latou i luga a'e o le togavao atoa. Sa lealea mai launiu i le savili. Mo le taimi muamua i itula, na lagona ai e Felipe le faamoemoe.

"Vaai!" Sa tusi atu o ia i laau.


Sa malamalama lona tina. O laau niu o lona uiga sa latalata mai se nuu. Ua tali mai le Atua i le tatalo a Felipe. Sa uu e Felipe le lima o lona tina. Sa la savavali faatasi i le saogalemu a o faaifo le la i lalo ifo o laau.



Sa sefeina e Felipe ma lona toalu se tupe mo se tausaga ina ia mafai ai ona la malaga atu i le malumalu ina ia faamauina.



E fiafia Felipe e fagota.



E toa 4 le fanau a Felipe ma lona faletua, o Cora, ma fanau a fanau e toa 10.

"Faamolemole fesoasoani mai ia i ma'ua e saili lo ma'ua ala," na tatalo ai Felipe.

Sa manatua pea e Felipe le ala na tali mai ai le Atua i lana tatalo. O nisi taimi sa moomoo o ia maimau pe ana mafai ona ia faalogo i le siufofoga o le Atua e pei ona sa iai i lena po i le togavao.

Ona oo lea i se tasi aso, i le valu tausaga mulimuli ane, na feiloai ai Felipe i nisi o faifeautalaitai. E omai mai Le Ekalesia a Iesu Keriso o le Au Paia o Aso e Gata Ai. Sa la aoaoina o ia e uiga i perofeta soifua, o e na tautatala i afioga a le Atua. O le mea tonu lava lea na faamoemoe i ai Felipe!

Sa fiafia lava Felipe e auai i le Ekalesia. Sa avea o ia ma se tasi o uluai faifeautalaitai mai Filipaina e faasoa atu le talalelei iina. Ma le isi, sa faaali atu e le Atua ia Felipe le mea e alu i ai—ma sa iloa e Felipe o le a silafia e le aunoa e le Atua. ●

